


ADDITAMENTORVM AVCTARIVM.

VII. NEMVS DIANAE (p. 210. 487).

Manum de tabula tollenti nova supervenit messis inscriptionum a Boccanera in Nemore Dianae effossarum.

4268 basis lapidis Albani.



C · AVRILIVS · C · F
P R A I T O R
I T E R V M D I D I T
E I S D I M · C O N S L u. c. 554
P R O B A V I T

Descripsit Tomassetti idemque misit ectypum chartaceum. *Notizie degli scavi* 1887 p. 195.

1 AVRILIVS, 3 DIDIT, 4 EISDIM est in lapide; item magis videtur esse CONSUL quam quod editum est in *Not. CONSOL.*

C. Aurelius C. f. consulem nullum novimus nisi Cottam consulem a. 554. Is praetor fuerat urbanus a. 552 (Liv. 30, 26, 11; c. 27,9). Praetor iterum videtur fuisse a. 553, nempe prorogato imperio. [Promagistratus et magistratus cum distinguantur septimo saeculo, sexto eundem usum non obtinuisse indicavit decretum Lampacenum a. 558 (*Mith. des athen. Instituts* 6,96), confirmavit hic titulus; Cotta enim cum eum dedicavit a. 554 consul, praetor autem factus sit a. 552, altera praetura necesse est ad prorogationem pertineat per eos annos fere sollemnem; neque obstat quod eius non meminit Livius 30, 41 inter eos quibus magistratus prorogatus sit. Th. M.]

4269 tabella aenea.



Ex ectypo photographico quod misit Tomassettius. Descripsit O. Hirschfeld. Edita est *notizie degli scavi* 1887 p. 120 cum tab. III,2.

C. Manlio(s) Aci... cosol pro poplo Arimenesi. — 4 ARIMINESI *Notizie* p. 120 non recte. Praenomen Manlii, licet mutilum, certum tamen est. Cognomen magis fuerat ACI..., quamquam mirum est litteram reliquis esse brevior, quam AO.... Manlium Acidinum consulem Romanum novimus a. 575; sed is fuit Lucius, testibus non solum fastis Capitolinis et scriptoribus (excepto solo Obsequente qui habet C. Manlio), sed etiam lapide coevo huius Corp. vol. I n. 538. Recte igitur sine dubio Mommsenus Manlium consulem fuisse existimat coloniae (iuris Latini) Ariminensis; quemadmodum in colonia Beneventana consules novimus ex titulis vol. IX 1547. 1633. Colonias eodem anno 486 deductas Ariminum et Beneventum eandem magistratum ordinationem habuisse consentaneum est.